

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na nastavku 96. sjednice, održanom dana 31.01.2013. godine, d o n o s i

ZAKLJUČAK

I.

Prihvata se Informacija Ministarstva za poljoprivredu, šumarstvo i vodoprivredu i stav po aktu Industrijskog preduzeća „KRIVAJA“ d.o.o. Zavidovići-u stečaju o nabavkama dodatnih količina kvalitetnih trupaca.

II.

Informacija iz tačke I. ovog zaključka je sastavni dio ovog zaključka.

III.

Zaključak stupa na snagu danom donošenja.

Broj: 02-_____/13.
Datum, 31.01.2013. godine
Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo za privredu,
1x Stručna služba Vlade,
1x a/a.

Informacija
i stav po aktu Industrijskog preduzeća „KRIVAJA“ d.o.o.Zavidovići-u stečaju o nabavkama dodatnih količina kvalitetnih trupaca

Postupajući po aktu Sekretara Vlade broj: 02-1-26-20425-1/12 od 25.09.2012. godine, a vezano za stav po dopisu-molbi Industrijskog preduzeća „KRIVAJA“ d.o.o. Zavidovići-u stečaju broj: SU-512/12 od 20.09.2012. godine, za dodatnu pomoć od Vlade Zeničko-dobojskog kantona pri nabavci dodatnih količina kvalitetnih trupaca iz J.P. Šumsko-privrednog društva Zeničko-dobojskog kantona d.o.o. Zavidovići ili sufinansiranja razlike u cijeni istih, obavještavamo Vas:

J.P. Šumsko-privredno društvo Zeničko-dobojskog kantona d.o.o. Zavidovići, korisnik državnih šuma i šumskog zemljišta dužno je da poslove gospodarenja državnim šumama i šumskim zemljištem provodi u skladu sa dugoročnim planom gospodarenja-Šumsko-gospodarskim osnovama, koje se donose za period od deset (10) godina.

Šumsko-gospodarska osnova se realizuje godišnjim planovima koji sadrže prosječno jednu desetinu svih planiranih radova, dok se godišnji plan gospodarenja šumama i šumskim zemljištem realizuje putem Izvedbenih projekata koji se izrađuju kako za sječu drvene mase (redovne sječe, sanitarne sječe) tako i za šumsko-uzgojne radove (pošumljavanje, popunjavanje kultura i njega u novopodignutim kulturama).

Planirana sječa i šumsko-uzgojni radovi, za koje se izrađuju Izvedbeni projekti, tj planirani radovi se prijavljuju Kantonalnom šumarskom inspektoratu, u cilju kontrole realizacije Izvedbenih projekata.

Na osnovu raspoložive količine i vrste sortimenata koji su dobiveni doznakom i iskrajanjem posječene drvene mase vrši se objava tj. raspisuje se javni poziv za prodaju raspoložive drvene mase, te nakon odabranih kupaca sa istim se zaključuju Ugovori o ispouci sortimenata.

Ministarstvo za poljoprivredu, šumarstvo i vodoprivredu izvršilo je prepisku sa Šumsko-privrednim društvom Zeničko-dobojskog kantona d.o.o. Zavidovići, kojom je tražena informacija, shodno dopisu-molbi Industrijskog preduzeća „KRIVAJA“ d.o.o. Zavidovići-u stečaju broj: SU-512/12 od 20.09.2012. godine.

J.P. Šumsko-privredno društvo Zeničko-dobojskog kantona dopisom broj: 2985-1/12 od 22.10.2012. godine, dostavilo je informaciju u kojoj je dostavljen prikaz izvršenja količina preuzetih od kupca Industrijskog preduzeća „KRIVAJA“ d.o.o. Zavidovići-u stečaju i procenat učešća u kvalitetnim klasama koja je preuzeta u periodu 01.01.-19.10.2012. godine u količini 16.620,00 m³, kao slijedi:

	SORTIMENTI m³					
	„F“ trupac	„L“ trupac	Trupac I klase	Trupac II klase	Trupac III klase	UKUPNO
Izvršeno JP „ŠPD ZDK“ d.o.o. Zavidovići	80,00	892,00	16.987,00	18.341,00	19.103,00	55.403,00
Procenat učešća klasa	0,14	1,61	30,66	33,10	34,48	100,00
Isporučeno IP „KRIVAJA“ d.o.o. Zavidovići-u stečaju	56,00	330,00	4.560,00	5.240,00	6.434,00	16.620,00

Prema dinamičkom planu proizvodnje drvnih sortimenata bukve, do kraja tekuće godine za sječu preostalo je još cca 3.850 m³ na dan 19.10.2012. godine.

Od preostale količine za sječu-3.850 m³, očekuje se učešće klasa kako slijedi:

- trupaca „F“ klase 77,00 m³,
- trupaca „L“ klase 308,00 m³,

- trupaca „I“ klase 1.000,00 m³,
- trupaca „II“ klase 1.250,00 m³ i
- trupaca „III“ klase 1.215,00 m³.

U svom dopisu Industrijsko preduzeće „KRIVAJA“ d.o.o. Zavidovići-u stečaju navelo je da su prisiljeni da vrše nabavku dijela kvalitetnih bukovih trupaca za potrebe prerade u „Furnirnici“ u količini od oko 700,00 m³/mesečno mimo nabavki iz J.P. Šumsko-privrednog društva Zeničko-dobojskog kantona d.o.o. Zavidovići, na tržištu po skupljim cijenama od oko 35,00 KM/m³, što negativno utiče na poslovanje navedenog društva.

U svom dopisu broj: 2985-1/12 od 22.10.2012. godine, J.P. Šumsko-privredno društvo Zeničko-dobojskog kantona d.o.o. Zavidovići je navelo da osim zaključenog ugovora o isporuci drvnih sortimenata bukve broj: 1543/2012 od 07.05.2012. godine sa važenjem do 31.12.2012. godine sa Industrijskim preduzećem „KRIVAJA“ d.o.o. Zavidovići-u stečaju, ima zaključene Ugovore o isporuci sortimenata bukve i sa drugim prerađivačima kao npr: „Prominvest“ d.o.o. Olovo, „Nansi“ d.o.o. Žepče, „Secom“ d.o.o. Visoko i drugi.

U svojoj dodatnoj Informaciji broj: 3407-1/12 od 29.11.2012. godine, J.P. Šumsko-privredno društvo Zeničko-dobojskog kantona d.o.o. Zavidovići je navelo da je prema dinamičnom planu proizvodnje drvnih sortimenata plan bukve bio 59.255,00 m³.

Na dan 28.11.2012. godine, planirani plan je izvršen u količini od 63.767,00 m³, što pokazuje da je plan proizvodnje prekoračen već za 4.512,00 m³.

Po pitanju sortimenata i količina koje će se proizvoditi do kraja tekuće godine iako je plan ispunjen, nastaviti će se proizvodnja bukve, čiji se omjer kvalitetnih klasa neće bitno mijenjati u odnosu na dosadašnje stanje, koje su isporučivane kako kupcu Industrijskom preduzeću „KRIVAJA“ d.o.o. Zavidovići-u stečaju, tako i ostalim kupcima sa kojim su zaključeni Ugovori o isporuci sortimenata za tekuću godinu.

Imajući u vidu aktuelno stanje šuma kojim gospodari J.P. Šumsko-privredno društvo Zeničko-dobojskog kantona d.o.o. Zavidovići, a koje je utvrđeno na osnovu premjera (taksacije) i obračuna premjerene drvene mase, koja je sadržana u važećim Šumsko-gospodarskim osnovama (dugoročnim planovima gospodarenja šumama i šumskim zemljištem), navedeno društvo nije u mogućnosti povećati udio kvalitetnih klasa u isporuci sortimenata bukve kupcu Industrijskom preduzeću „KRIVAJA“ d.o.o. Zavidovići-u stečaju, jer se klasiranje drvnih sortimenata vrši na osnovu činjeničnog stanja na terenu.

Iz prethodno navedenog je jasno, da kada bi se Industrijskom preduzeću „KRIVAJA“ d.o.o. Zavidovići-u stečaju isporučivale dodatne količine kvalitetnih trupaca, onda se ne bi mogli ispoštovati ugovori prema ostalim kupcima.

Takođe u svom dopisu Industrijsko preduzeće „KRIVAJA“ d.o.o. Zavidovići-u stečaju, tražilo je da ukoliko se ne mogu obezbijediti dodatne količine od 700,00 m³, da se obezbijedi sufinansiranje razlike cijene traženih trupaca u količini od 700,00 m³ x 35,00 KM/m³, što mjesečno iznosi 24.500,00 KM, odnosno 294.000,00 KM na godišnjem nivou.

Da bi se eventualno izvršilo sufinansiranje tražene količine, bila bi potrebna saglasnost Skupštine Zeničko-dobojskog kantona, da Vlada Zeničko-dobojskog kantona donese Odluku o sufinansiranju razlike cijene traženih trupaca, na temelju koje bi se trebao uraditi Program utroška sredstava za sufinansiranje razlike u cijeni.

Takođe bi se u Budžetu Ministarstva za poljoprivredu, šumarstvo i vodoprivredu trebalo izvršiti prestrukturiranje sredstava sa pozicija na kojima eventualno ima raspoloživih sredstava iz razloga što Ministarstvo u Budžetu za 2012. godinu, nema planiranih sredstva za ove namjene.

Shodno Ugovoru o učešću u zajedničkom ulaganju zaključenog dana 24.09.2008. godine utvrđeno je da će za količine drvnih sortimenata koje J.P. Šumsko-privredno društvo Zeničko-dobojskog kantona d.o.o. Zavidovići isporuči Industrijskom preduzeću „KRIVAJA 1884“ d.o.o. Zavidovići, cijena biti 75% niža od cijene utvrđene važećim cjenovnikom navedenog društva.

Razliku cijene između ugovorene i pune tržišne cijene subvencionirat će Vlada Zeničko-dobojskog kantona sa 12,5 % i Vlada Federacije sa 12,5 %.

Ministarstvo za poljoprivredu, šumarstvo i vodoprivredu u 2009., 2010. i 2011. godini izdvajalo je sredstva namijenjena za subvencioniranje razlike cijene između ugovorene i pune tržišne cijene za drvene sortimente od 12,5 % koje je J.P. Šumsko-privredno društvo Zeničko-

dobojskog kantona d.o.o. Zavidovići isporučivalo Industrijskom preduzeću „KRIVAJA 1884“ d.o.o. Zavidovići, u iznosu od **1.543.778,93 KM**.

Odlukom Vlade Zeničko-dobojskog kantona broj: 02-14-27810/11 Od 03.11.2011. godine o preraspodjeli sredstava u Budžetu Zeničko-dobojskog kantona za 2011. godinu, izvršena je preraspodjela sredstava tako što su sa razdjela 23, budžetska organizacija 01, potrošačka jedinica 0001-Ministarstvo za poljoprivredu, šumarstvo i vodoprivredu, umanjena sredstava na poziciji 614 400 NAD 407-Subvencije J.P. „ŠPD ZDK“ d.o.o. Zavidovići **za 714.592,26 KM**, na razdjelu 18, budžetska organizacija 01, potrošačka jedinica 0001-Ministarstvo za privredu, su uvećana sredstva na poziciji 614 500-Subvencije preduzećima u privatizaciji i podsticaj u industriji **za 714.592,26 KM**.

Ova finansijska transakcija imala je za cilj da se navedena sredstva utroše kao podsticaj za pokretanje proizvodnje u Privrednom društvu IP „KRIVAJA“ d.o.o. Zavidovići.

Stav Ministarstva za poljoprivredu, šumarstvo i vodoprivredu je da preduzeća posluju na tržišnom principu, na kojem treba da funkcionišu odnosi između Privrednog društva IP „KRIVAJA“ d.o.o. Zavidovići i J.P. Šumsko-privrednog društva Zeničko-dobojskog kantona d.o.o. Zavidovići.

Prema tome, nije opravdano sufinansiranje razlike u cijeni, tim prije što ni dosadašnja ulaganja u tu svrhu nisu dala očekivane rezultate.

Industrijsko preduzeće „KRIVAJA“ d.o.o. Zavidovići-u stečaju uz zahtjev broj: SU-512/12 od 20.09.2012. godine, kojim je tražena dodatna pomoć od Vlade Zeničko-dobojskog kantona pri nabavci dodatnih količina kvalitetnih trupaca iz J.P. Šumsko-privrednog društva Zeničko-dobojskog kantona d.o.o. Zavidovići ili sufinansiranja razlike u cijeni istih, nije dostavilo nikakav stečajni program iz kojeg bi se vidio način izlaska iz stečajnog postupka.

Pored toga u Budžetu Zeničko-dobojskog kantona za 2013. godinu nisu planirana sredstva za ove namjene.

Prilog: - Akti J.P. Šumsko-privrednog društva Zeničko-dobojskog kantona d.o.o. Zavidovići broj: 2985-1/12 od 22.10.2012. godine i broj: 3407-1/12 od 29.11.2012. godine sa Ugovorom o isporuci drvnih sortimenata za 2012. godinu broj: 1543/2012 od 07.05.2012. godine.

Obradivač:

Amira Jusufbašić

MINISTAR

Bojan Bošnjak